



Rabu, 08 Maret 2023

Ogen: Kejadian 38 : 24-25



Mperjuangkan Hak



Ibas pelajaran sekolah nai lit isingetken maka teptep jelma lit hak ras kewajipenna. Tapi, guna ndatken hak rus ndalanken kewajipen lebe. Adi nggo sidalanken tanggungjabapta, maka hak si arus sialoken pe alokenlah. Mari siperdiateken Tamar i bas mperjuangken hakna i tengah tengah keluarga.

Kenca enggo 3 bulan Tamar, permoin Jehuda siipemulihna ku rumah bapana, natang tuah. Seh me berita e man Yehuda. Uga maka banci, adi labo lit perbulangenna? Ise nge ndia punana anak i bas bertinna? Perban nggo mbar berita e man si enterem, isuruh Jehuda gelah ibaba Tamar man bana. Isungkuni ia ise sipuna anak bas bertin e. Nina Tamar, Jehuda, bengkilana jine. Asum e erlua-lua ia tapi la iarapna e permoinna jine. I bas si e, banci jadi bas ukurta, salah Tamar nge ngkai maka ipertakikenna bengkilana. Tapi situhuna, hakna nge si ituntutna. Kenca mate perbulangenna arusna keluarga perbulangenna ndai si mpekena-kena ia. Tapi erkiteken agi perbulangena si Onan la ngelakoken langkah si arus i bas ia ngelakomangani perkakanna, bage pe erkiteken kebiaren Jehuda adi anakna si nguda Syela, mate ka i bas ngelakomangani Tamar, ipemulih ia ku jabu bapana. Tentu ceda atena. E maka ituntutna hakna. Tuhu, carana mpertakiken e la payo. E maka nintang je man pandang-pandangan ngenca la man usihen. Tapi i bas ia pentar nuduhkan bukti maka payo Jehuda nge ertanggung jabap i bas keadanna e, Jehuda pe ertanggungjabap, ialokenna Tamar ras akukenna kesalahenna.

Perlu kita pang nuntut hakta, tapi ola alu cara si la payo. I bas nuntut hak e, arus lit bukti lit palas kita nuntut hakta. Adi seh sura-suranta e e me pasu-pasu Tuhan, di kune la seh arus saber megenggeng ras pindo kepentaren ras pembelaan bas Tuhan nari.